

er ist vngewarlich vnd sol der genant vnser her von pfäuers das gericht ze rüty besetzen vnd die elstisten goghuslüt by iren eiden eruaren ob der stür nun Einliff pfund pfening jerslich sy oder mer vnd och vmb die pfening Eyer wachs vnd hünr zinsß vnd was sich da vindet das von alter her desselben gegeben ist daby sol es hinfür aber bliben vngewarlich vnd sollent vnser heren Ein aman vnd Ratt zu appenzell dem genanten vnserm heren dem appt vnd sinem goghus beholffen sin das solichem vffrecht vnd redlich von denen von Rütty nachgegangen werd vnd das er vnd sin goghus vnd das so obstät versorgt werdint mit brieff vnd sigel nach not durfft daby sol der genant vnser her von pfäuers vnd sin nachkomen denen von rütty tun was denn von alter her Sitt vnd gewonlich ist gewesen vngewarlich vnd vmb all verlegen vffstend stür zinsß väll vaf nacht hünr cost vnd zerung das stätt hin vff vnsern herren dem aman vnd Ratt ze appenzell vnd vff vns genanten aman langher vnd vly broger das wir vernemen sollent wie vil des sye vnd was wir dafür sprechent daby sol es beliben doch das wir jm ettwas dafür sprechint item vnd sond die von Rütty beliben by den eyden die sy gen appenzell getan hand als bisher vngewarlich doch vnserm hern von pfäuers vnd sinem goghus an den obgemelten rechten vnschedlich als vngewarlich Es sye dann das der Conuent ze pfäuers das nit gönnen noch tun well so sol ab sin was obstat vnd sol beliben by dem recht ze Glarus des zu vrfund so han ich obgenanter vly aman langker min Eigen insigel für mich vnd die obgenanten gewaltzboten wan sy mich darum gepetten hand getruft in disen brieff doch mir vnd minen erben vnschedlich der geben ist vff zinstag nach pfingsten anno domini MCCCClviii.

(Original-Bidimus vom J 1462 auf Berg. mit besch. Siegel im Arch. Rätt.)